

Na osnovu odredbi čl. 12. i 14. Zakona o udruženjima i fondacijama F BiH (Sl. Novine Federacije BiH broj 45/02) i odredbi Statuta Univerziteta u Zenici, Osnivačka skupština Alumni asocijacije Pravnog fakulteta Univerziteta u Zenici, na sjednici održanoj u Zenici dana 19. 05. 2014. godine, jednoglasno donosi slijedeći

STATUT

ALUMNI ASOCIJACIJE PRAVNOG FAKULTETA UNIVERZITETA U ZENICI

I OPĆE ODREDBE

Član 1.

Statutom Alumni Alumni asocijacije Pravnog fakulteta Univerziteta u Zenici (u nastavku: Alumni asocijacija) reguliše se:

- opće odredbe, područje djelovanja
- naziv i sjedište Alumni asocijacije, te oblik i sadržaj pečata
- predstavljanje i zastupanje Alumni asocijacije
- javnost rada Alumni asocijacije
- ciljevi i djelatnost Alumni asocijacije
- članstvo, prava i obaveze članova
- unutrašnja organizacija i upravljanje
- sredstva za rad Alumni asocijacije
- prestanak rada Alumni asocijacije
- donošenje statuta i drugih općih akata Alumni asocijacije, kao i njihove izmjene
- saradnja Alumni asocijacije sa drugim srodnim udruženjima
- prelazne i završne odredbe

Član 2.

Alumni asocijacija Pravnog fakulteta u Zenici je dobrovoljno udruženje u koje se učlanjuju svi oni koji su diplomirali, magistrirali ili doktorirali na Pravnom fakultetu u Zenici, radi ostvarivanja trajne i uzajamne koristi i interesa utvrđenih ovim Statutom.

II NAZIV I SJEDIŠTE ALUMNI ASOCIJACIJE OBLIK I SADRŽAJ PEČATA

Član 3.

Naziv udruženja je: Alumni asocijacija Pravnog fakulteta Univerziteta u Zenici.

Sjedište Alumni asocijacije je u Zenici, na adresi Pravnog fakulteta u Zenici, ul. Fakultetska br. 3.

Član 4.

Alumni asocijacija je neprofitna, nevladina, nestranačka organizacija.

Alumni asocijacija djeluje na području Bosne i Hercegovine.

Član 5.

Alumni asocijacija koristi pečat Pravnog fakulteta u Zenici.

Pečatom se ovjeravaju opći i drugi akti Alumni asocijacije, te finansijska i druga dokumentacija.

III CILJEVI I DJELATNOST ALUMNI ASOCIJACIJE

Član 6.

Osnovni ciljevi postojanja i rada Alumni asocijacije su:

- uspostavljanje i održavanje trajne veze između Pravnog fakulteta u Zenici i njegovih studenata nakon završetka fakulteta
- povezivanje svih bivših studenata Pravnog fakulteta u Zenici u Alumni asocijaciju kako bi se omogućila njihova međusobna saradnja
- unapređenje rada Pravnog fakulteta u Zenici kao obrazovne i naučno-istraživačke institucije u smislu posjedovanja adekvatnih i blagovremenih informacija koje mogu obezbijediti članovi Alumni asocijacije
- razvijanje saradnje Pravnog fakulteta u Zenici sa preduzećima/privrednim društvima i institucijama u kojima su angažovani bivši studenti
- motivacija i unapređenje članova Alumni asocijacije u kontekstu poticanja stručnih i naučno-istraživačkih aktivnosti
- učešće u međunarodnoj naučnoj i stručnoj razmjeni i uspostavljanje relacija sa Alumni asocijacijama iz regiona i šire
- afirmacija mjesta i uloge pravničke struke u razvoju društva
- zaštita interesa pravničke struke prema kodeksu i pravilima struke
- diseminacija znanja u širu javnost

Član 7.

U okviru cilja radi kojeg je Alumni asocijacija osnovana, ona posebno obavlja sljedeće zadaće i djelatnosti:

- svim članovima omogućiti on-line registraciju (putem prilagođene web stranice), brz i efikasan pristup informacijama i uspostavljanje međusobnih kontakata
- izdavanje magazina Alumni asocijacije koji će pratiti aktuelnosti u oblasti prava, projekte u koje je uključen Fakultet sa članovima svoje Alumni asocijacije, te najnovija naučna istraživačka dostignuća članova Alumni asocijacije
- organizacija okruglih stolova, seminara i konferencija koje će tretirati aktuelna pravna i društvena pitanja
- organizovanje programa obuke i treninga za članove Alumni asocijacije u kontekstu bolje informisanosti o dostupnim informacionim tehnikama i paketima, te kvantitativnim metodama koje im mogu olakšati i značajno unaprijediti rad i razvoj u okviru naučno-istraživačkih aktivnosti
- organizovanje susreta članova Alumni asocijacije sa studentima, kako bi im prenijeli svoje praktično znanje i iskustvo
- organizovanje susreta članova Alumni asocijacije (npr. godišnje proslave i obilježavanje važnih datuma za Alumni asocijaciju i Pravni fakultet u Zenici i sl.)
- saradnja sa drugim Alumni asocijacijama i udruženjima vezanim za pravničku struku u zemlji i šire
- pružanje podrške članovima Alumni asocijacije da unapređuju poslovanje privrednih društava/preduzeća i institucija u kojima rade, kroz obrazovne i istraživačke inicijative.
- formiranje alumni centra za praćenje karijere, kako bi članovi Alumni asocijacije imali, kroz međusobnu saradnju, pristup informacijama o mogućnosti daljeg usavršavanja i priliku za konkurisanje na pozicije koje bolje odgovaraju njihovim mogućnostima i kvalifikacijama
- osmišljavanje programa putovanja u smislu stručnih usavršavanja članova Alumni asocijacije
- obezbjeđenje posebnih privilegija u pogledu pristupa biblioteci, mogućnosti pretraživanja baza podataka (naučnih i istraživačkih informacija), online kataloge, bibliografije itd.
- obezbijediti finansijska sredstva (posebne pogodnosti) za nastavak školovanja i druge obrazovne aktivnosti članovima Alumni asocijacije

IV PREDSTAVLJANJE I ZASTUPANJE

Član 8.

Alumni asocijaciju predstavlja i zastupa predsjednik/ica, neograničeno u okviru upisane djelatnosti, a u slučaju njegove spriječenosti ili odsustva, sekretar/ica i predsjedavajući/a skupštine Alumni asocijacije.

Oni su ovlašteni potpisnici Alumni asocijacije.

Naredbodavci izvršenja finansijskog plana i raspolaganja sredstvima Alumni asocijacije jesu: predsjednik/ica, sekretar/ica i predsjedavajući/a skupštine Alumni asocijacije.

V JAVNOST RADA ALUMNI ALUMNI ASOCIJACIJE PRAVNOG FAKULTETA U ZENICI

Član 9.

Rad Alumni asocijacije i njenih tijela je javan.

Predsjednik Alumni asocijacije dužan je obavještavati članstvo o svom radu i radu organa Alumni asocijacije putem izvještaja i sredstava javnog informisanja.

Za javnost rada odgovoran je predsjednik. Radi ostvarivanja javnosti rada Alumni asocijacije, predstavnicima javnog informisanja osigurava se slobodan pristup sjednicama Skupštine.

Alumni asocijacija obavještava javnost o radu objavljivanjem izvještaja putem novina Alumni asocijacije ili sredstava javnog informisanja.

Javnosti se mogu uskratiti samo oni podaci o radu Alumni asocijacije koji su poslovna tajna.

VI ČLANSTVO

Član 10.

U Alumni asocijaciji postoji redovno i počasno članstvo.

Redovnim članom Alumni asocijacije mogu postati sva lica koja su diplomirala, magistrirala ili doktorirala na Pravnom fakultetu u Zenici.

Redovnim članom može se postati dobrovoljno potpisivanjem pristupnice ili registracijom online, čime se prihvaćaju ciljevi, prava i obaveze utvrđene Pravilnikom i odlukama Alumni asocijacije.

Odluku o primanju u redovno članstvo donosi Predsjednik Alumni asocijacije na bazi pristupnice osobe koja želi postati član.

Pristupanje (članstvo) Alumni asocijaciji je besplatno.

Član 11.

Počasnim članom može postati fizičko lice koje je svojim radom i zalaganjem posebno doprinijelo razvoju i ugledu Alumni asocijacije.

Odluku o proglašenju počasnog člana donosi Skupština Alumni asocijacije Pravnog fakulteta u Zenici na obrazložen prijedlog Predsjednika i /ili 20% članova Skupštine

Član 12.

Član Alumni asocijacije ima pravo:

- birati i biti biran u sva tijela Alumni asocijacije
- davati prijedloge i mišljenja o radu Alumni asocijacije
- pokretati inicijative za rad Alumni asocijacije
- biti obaviješten o radu Alumni asocijacije i njenih tijela
- predlagati nove, počasne članove Alumni asocijacije

Član 13.

Član Alumni asocijacije dužan je:

- ostvarivati ciljeve i zadatke Alumni asocijacije
- pridržavati se odredaba Statuta
- sprovoditi odluke i zaključke tijela Alumni asocijacije
- promovirati rad Alumni asocijacije

Član 14.

Alumni asocijacija može davati priznanja i pohvale svojim članovima, pojedincima i pravnim licima za naročitu aktivnost i poseban doprinos u radu Alumni asocijacije.

Skupština može na obrazložen prijedlog bilo kojeg člana Alumni asocijacije dodijeliti priznanja pojedinim pravnim i fizičkim licima za izuzetan doprinos u ostvarivanju ciljeva i zadataka Alumni asocijacije.

VII ORGANIZACIJA ALUMNI ASOCIJACIJE

Član 15.

Alumni asocijacija je tijelo u okviru Pravnog fakulteta u Zenici (registruje se kao asocijacija pri Pravnom fakultetu u Zenici).

Tijela Alumni asocijacije su:

- Skupština
- Predsjednik/ica
- Sekretar/ica
 - Predsjedavajući/a Skupštine

SKUPŠTINA

Član 16.

Skupština je najviše tijelo upravljanja Alumni asocijacije i čine je svi redovni članovi Alumni asocijacije.

Skupština vrši naročito sljedeće poslove:

- donosi Statut i druge druge akte, te njihove izmjene i dopune
- bira i razrješava predsjednika / predsjednicu, sekretara /sekretaricu, predsjedavajućeg/u Skupštine
- donosi Program rada Alumni asocijacije
- raspravlja i odlučuje o izvještajima o radu tijela Alumni asocijacije
- prihvaća godišnji finansijski izvještaj
- odlučuje o dodijeli priznanja fizičkim licima, pravnim subjektima i članovima
- odlučuje o prestanku rada Alumni asocijacije
 - odlučuje o saradnji sa drugim srodnim udruženjima

- obavlja i druge poslove utvrđene ovim Pravilnikom i propisima.

Član 17.

Skupština Alumni asocijacije održava se jednom godišnje.

Izborna skupština održava se svake četvrte godine.

Član 18.

Skupštinu saziva Predsjednik Alumni asocijacije samoinicijativno ili na inicijativu 10% članova.

Prijedlog dnevnog reda Skupštine, te mjesto i vrijeme njenog održavanja utvrđuje Predsjednik, te o tome obavještava članove Alumni asocijacije najmanje 7 dana prije zasjedanja.

Skupština raspravlja i odlučuje na sjednicama.

Radom Skupštine rukovodi radno predsjedništvo, koje se bira na svakoj sjednici.

Član 19.

Radom Skupštine rukovodi Predsjedavajući Skupštine uz učešće Sekretara Alumni asocijacije.

Skupština može donositi odluke ako je prisutno najmanje 50 % članova.

Odluke Skupštine donose se u pravilu javnim glasanjem. Skupština može da odluči da se o pojedinim pitanjima odluka donosi tajnim glasanjem.

Odluke se usvajaju prostom većinom prisutnih članova, osim ukoliko za pojedina pitanja Statutom nije drugačije regulisano.

Odluke Skupštine su obavezne za tijela i sve članove za njihovo sprovođenje.

PREDSJEDNIK / PREDSJEDNICA

Član 20.

Skupština bira predsjednika Alumni asocijacije za period od četiri godine.

Ista osoba može se ponovo izabrati za predsjednika.

Član 21.

Predsjednik obavlja slijedeće poslove i ima ovlasti da:

- predstavlja i zastupa Alumni asocijaciju
- zakazuje sastanke Skupštine
- vodi poslovanje Alumni asocijacije, izvršava odluke i zaključke Skupštine
- donosi godišnji plan rada
- utvrđuje prijedlog finansijskog plana i završnog računa

- utvrđuje prijedlog Pravila Alumni asocijacije i njegove izmjene i dopune, odluke i druge opće akte
- osniva stalna i povremena tijela, kojima povjerava pojedine zadatke
- odlučuje o saradnji i održava veze s drugim asocijacijama
- predlaže Skupštini Program rada Alumni asocijacije izvršava Program rada koji utvrđuje Skupština, odluke i akte
- izdaje priopćenja o radu Alumni asocijacije
- podnosi Skupštini izvještaj o svom radu
- brine se o unapređenju rada i djelatnosti Alumni asocijacije
- imenuje predstavnika Alumni asocijacije u druga tijela, udruženja
- obavlja i druge poslove i zadatke, koje mu povjeri Skupština ili koji su zakonom ili
- ovim Statutom stavljeni u njegovu nadležnost.

Predsjednik vodi brigu da rad Alumni asocijacije i njenih tijela budu u skladu sa Pravilima Alumni asocijacije.

Za svoj rad i provedbu odluka predsjednik Alumni asocijacije odgovara Skupštini Alumni asocijacije.

SEKRETAR / KOORDINATOR

Član 22.

Skupština Alumni asocijacije bira sekretara iz redova svojih članova.

Sekretar se bira na vrijeme od četiri godine, a može biti i reizabran. Sekretar ima funkciju koordinatora.

Sekretar Alumni asocijacije

- saziva sjednicu Skupštine;
- pomaže Predsjedniku/ci pri obavljanju administrativno – stručnih i njima sličnih poslova;
- obavještava članove o zbivanjima u Alumni asocijaciji;
- obavlja druge zadatke predviđene ovim Statutom, općim aktom ili zakonom

Za svoj rad sekretar je odgovoran Skupštini Alumni asocijacije.

VIII SREDSTVA ZA RAD ALUMNI ASOCIJACIJE

Član 23.

Prihodi Alumni asocijacije, pored finansiranja iz budžeta Pravnog fakulteta, čine:

- prihodi ostvareni u skladu sa zakonom
- pomoć i donacije pojedinaca i pravnih subjekata za određene programe i projekte
- donacije iz proračuna za naučnu i stručnu djelatnost
- prihodi od imovine i prava

- ostali oblici finansijske i materijalne pomoći

Eventualni višak prihoda nad rashodima, kojeg bi ostvarila u obavljanju svoje djelatnosti, Alumni asocijacija može koristiti isključivo za obavljanje i unapređenje djelatnosti kojom se ostvaruju ciljevi utvrđeni Statutom. Odluku o namjeni tih sredstava donosi Skupština.

Član 24.

Sredstvima Alumni asocijacije raspolaže Predsjednik Alumni asocijacije u skladu sa odlukama, zaključcima i planovima Skupštine.

Finansijsko i materijalno poslovanje Alumni asocijacije obavlja se u skladu sa zakonskim propisima, te se primjenjuju propisi koji se odnose na poslovanje neprofitnih organizacija, a na osnovu finansijskog plana koji Predsjednik Alumni asocijacije donosi za svaku kalendarsku godinu.

Po završetku godine za koju je donesen finansijski plan sastavlja se završni račun.

Član 25.

Alumni asocijacija ima svoj račun kod banke.

IX DONOŠENJE STATUTA I DRUGIH OPĆI AKATA ALUMNI ASOCIJACIJE

Član 26.

Usvajanje, izmjene i dopune Statuta Alumni asocijacije vrši Skupština dvotrećinskom većinom prisutnih članova.

Prijedlog Statuta, te prijedlog izmjena i dopuna Statuta Alumni asocijacije utvrđuje Predsjednik i dostavlja ga Skupštini na raspravu i donošenje, smoinicijativno ili na zahtjev najmanje 1/3 članova Skupštine.

Član 27.

Opće akte predlaže Predsjednik /ca a usvaja Skupština, ukoliko ovim Statutom nije drugačije određeno.

Opći akti stupaju na snagu osmog dana od dana izglasavanja.

Izuzetno, Skupština može odlučiti da opći akti stupaju na snagu danom donošenja ako je to potrebno da bi se spriječio zastoj u radu i poslovanju ili spriječile druge naročito štetne posljedice spram Alumni Asocijacije.

Predsjednik je nadležan za tumačenje svih općih akata koje predlaže.

Prijedlog za donošenje, izmjenu i dopunu općih akata Alumni asocijacije može podnijeti svaki redovni član i organ.

X SARADNJA ALUMNI ASOCIJACIJE

Član 28.

Alumni asocijacija saraduje sa udruženjima i organizacijama vezanim za pravničku struku.

XI PRESTANAK RADA ALUMNI ASOCIJACIJE

Član 29.

Alumni asocijacija prestaje sa radom u slučajevima utvrđenim Zakonom o udruženjima i fondacijama Federacije BiH ili na osnovu odluke Skupštine Alumni asocijacije.

Istovremeno s donošenjem odluke o prestanku rada Alumni asocijacije, Skupština će odlučiti o predaji imovine odgovarajućem udruženju koje nastavlja s ostvarivanjem istih ciljeva i djelatnosti ili će biti osnovano novo udruženje. Imovina će se prenijeti na Pravni fakultet u Zenici, ako se ne formira novo udruženje.

Obrazložen prijedlog odluke o prestanku postojanja Alumni asocijacije daje Predsjednik/ca ili 1/3 redovnih članova.

Na usvajanje ove odluke primjenjuju se, na odgovarajući način, pravila koja vrijede za usvajanje Statuta.

Ova odluka objavljuje se na odgovarajući način putem sredstava javnom informisanja.

XII PRIJELAZNE I ZAVRŠNE ODREDBE

Član 30.

Ovaj Statut stupa na snagu danom usvajanja na Skupštini Alumni asocijacije.

*Predsjedavajuća Skupštine Alumni asocijacije
Pravnog fakulteta Univerziteta u Zenici*

Dipl. iur. Anja Laštro
